

書名 成案備考十卷
 撰者 清 闕名 輯
 卷 卷八
 內容分類 史·政書·法令·刑案
 索書號 大木·法類·例案·13
 編號 B3853300

卷八



[彩色首頁1](#)

[東洋文化研究所漢籍目錄 編號: B3853300](#)

[東洋文化研究所漢籍目錄所藏漢籍善本全文影像資料庫 索書號: 大木·法類·例案·13](#)

[漢籍善本全文影像資料庫文本 成案備考十卷](#)

版權所有: [東京大學 東洋文化研究所](#)

[使用上的注意事項](#)

成案備考卷一

陝西司 嘉慶二十二年

洛武生膝殿邦於總督轎前衝突行走經隨從武弁

阻該生復向扭毆並未成傷一案查膝殿邦身列

當知憲輿之前理應謹肅乃不迴避輒敢衝突

迨經隨從武弁推阻復敢扭結向毆將膝殿邦

員不守學規問發為民例革去衣頂依不應重

八十不准收贖

浙江司 二十三年

贖刑



尊長於折人肢體成廢滿徒上加一等杖一百流三千里

成案備考卷八

貴州司 十八年

題楊開賢與黃田氏通姦被本夫黃紅太撞獲因顧惜顏面經勸寢事該犯楊開賢因此挾嫌計圖報復平空誣指黃紅太為竊之言欲陷黃紅太情殊險惡惟並無捉拿拷打情事固未便依誣良為竊捉拿拷打例擬軍若於軍罪上量減擬徒尚覺情重法輕楊開賢應改照將姦贓事情污人名節報復

私仇例發附近充軍

安徽司 十八年

越訴

奏張文龍因石元璞不代為推荐益務作夥又向張
宏謨借貸不遂令伊子張廷賡控寫呈詞誣石元璞
等串謀隱匿抄產張宏謨父子違例捐職等情赴天
津縣砌控審虛究出張廷賡屢次控寫呈狀將張廷
賡掌責因受責氣忿復控寫呈詞主謀唆令其父控
告并添捏知縣刑逼取結株連二十七人之多懇求
提京審辦希圖拖累洩忿若照一家人共犯止坐尊
長使造意刁健之徒陷其父於誣告之罪轉得安然
脫身事外惟例內並無子起意主令其父誣告之條
張廷賡應照薦越赴京告重事不實例發邊遠充軍
張文龍聽從其子教唆於軍上戒等擬徒

山東司 十九年

咨武生徐清恭因雨澤愆期糾人預為報災妄冀邀
賑至撫轅投呈經委員接收復向奪呈逞毆情同挾
制比照建言為由挾制官府例軍上量減一等滿徒

直隸司 十九年

奏李良必因差役陳大章等催造戶冊該村地保躲
避差役將村民鎖帶送縣查問地保下落該犯鳴鑼

越訴

聚眾前往追趕將另案差役拴回閉禁比照刁徒挾制官吏發近邊充軍陳大章等因查傳地保無踪將不應勾攝之人鎖拿比照捕役藉端搔擾越境妄拿平人發邊充軍

直隸司二十年

咨武生王頗牧以文生張叁兩代姪保甲張貨餽送典史郭鵬飛壽禮因家人劉升等不收輒敢懷挾該典史不能說情面斥之嫌邀同張叁兩直入衙署索看賬簿以為挾制柄執並向家人劉升扭揪撕衣王

頗牧應照刁徒直入衙門挾制官吏其不係干已事情別無冤枉例發近邊充軍親老不准留養文生張叁兩始則代送壽禮已屬多事繼復聽逆進署吵鬧與家人李興揪扭應照為從減一等擬以滿徒劉升李興於張叁兩代送壽禮之時並不婉為辭覆輒敢圖得隨封李興又私收郭雲山禮錢二千文計贓一兩李興應與劉升均照不應重杖郭雲山照不應輕答張貨餽送大錢五百文皂役劉順私令鄉地送禮均照不應輕答典史郭鵬飛因值生辰恐人干謁即

越訴

下鄉查看庄稼並囑家人有人拜壽概行回覆惟失
察家人得受壽禮並皂役私令鄉約送禮應照溺職
例革職

直隸司二十一年

咨李松因堂兄李法外出遺有賑票凜朱蘭起頂名
代領經該委員查出欲行責處輒敢闖入賑廠將朱
蘭起拉出並令衆人不許食賑異圖挾制查委員賑
廠即與衙署無異將李松比照刁徒直入衙門挾制
官吏例發近邊充軍屈馬等隨同喧鬧照為逆減等擬
徒朱蘭起雖無隨同喧鬧惟聽從冒領賑銀應照不
應重杖

浙江司二十一年

咨諸葛康等妄攻冒籍挾制官長一案查張學華並
非冒籍例准考試該犯等輒妄攻張學華為冒籍恃
衆挾制例內並無入場後挾制試官治罪明文將諸
葛康比照刁徒直入衙門挾制官吏例發近邊充軍

浙江司二十一年

咨張應加延欠錢糧拒毆傷差復慮稟究趕赴該縣
越訴

駐扎之鄉徵厥用言挾制並將該縣轎夫毆傷未便
僅依拒毆追攝人本律問擬將張應加比照刁徒直
入衙門挾制官吏例發近邊充軍

安徽司二十一年

奏旂丁許占魁等抗官詈罵幫弁一案查許占魁因
同幫旂丁金戊子酗酒衝入該縣典導被獲管押糾
同丁夥求釋不允直入該縣公署肆行嚷罵希圖挾
制將許占魁依刁徒直入衙門挾制官吏軍罪上送
重發伊犁當差吳楷夥同肆嚷照為滋滿徒上量加

為杖一百流三千里

山西司二十四年

咨何世貴佔種李先治等地畝被控斷令各管各業
該犯違抗不遵復強奪其羊群賣錢並先後毆傷鄧
子全等情殊兇惡將何世貴依棍徒擾害擬軍例上
量減一等滿徒案內何以清不服審訊咆哮公堂

照違

制律杖一百

四川司二十四年

咨兵丁朱文彩因技藝生疎被本官總兵考降該犯

越訴

即以同充兵役之楊文蔚不為簽註免操等情捏稟
又不聽候查辦帶刀往尋楊文蔚生事直至本管都
司大堂持刀喧鬧將朱文彩比照刀徒直入衙門挾
制官吏別無冤枉例發近邊充軍雖親老丁單查不准辦

山西司

咨麥二因被恒明祿誣賴欠錢差傳管押於負訊後
復被索討一時情急輒將公案推倒致將印箱等物
摔壞核其情節雖與刀徒挾制官吏有間惟於質訊
後輒敢在公堂摔壞官物寔為藐法應比照刀徒直
入衙門挾制官吏軍罪上量減一等杖一百徒三年

浙江司 二十五年

題金炳金誣良為竊拷打致死案內何光魁向金炳
金訛詐不遂主令屍妻閉匿屍身及縣不能相驗又
以停屍不驗囑令陳昌旦等赴府喊控抗官藐法未
便輕縱查例無訛詐不遂欲抗官阻驗治法專條比
照直入衙門挾制官吏審係不干已事例發近邊充

浙江司 二十五年

咨顯慶寺係外委棲止辦公之所即與衙門無異徐

越訴

剛因徐慶瀾犯賭被拿懇放不允輒在公所用言挾制嚷罵復因典史不許進監酬神在監外頂撞咆哮應比照刁徒直入衙門挾制官吏發近邊充軍

江西司二十五年

咨肅能仁因差催蕭素五屯糧翼圖免累控報故絕後又妄指劉秀田之田為屯業已有不合乃於該縣審案時輒敢闖入擅坐並當官詈罵差役舉脚內踢惟該縣係借寓蕭姓祠內究非衙署可比應比照直入衙署挾制官吏軍罪上量減一等杖一百徒三年

江西司二十五年

咨崇仁縣因催徵糧錢住歇羅姓祠內即屬辦公之所羅蔚輒敢糾同羅添翼等藉端挾制直入公所吵鬧拒傷差役均應比照刁徒直入衙門挾制官吏發近邊充軍羅蔚經父首送應照聞擊投首例減擬徒等

山西司二年

咨王懷信於委員查辦公事輒敢妄逞已見糾人阻止並與委員爭辯復敢揚言加賦向各里科歛銀錢翼圖構訟越訴弟其事出懷疑尚無實在挾制官長情狀

將王懷信於刁徒直入衙門挾制官吏近邊軍罪上
量減滿徒

安徽司三年

奏傅楷身充營書因向漕書訛詐不遂首先起意商
同吳鑑並其兄傅幗瀛假以欽奉

上諭為由鐫碑豎立倉署擅稱該縣違例浮收阻撓各花
戶將米挑回不許交納挾制官吏藉圖訛索情殊刁
詐傅楷比照假以建言為由挾制官吏為首發附近
充軍吳鑑傅幗瀛身列膠庠不知安分胆敢聽從出
頭赴倉豎碑阻撓挾詐以致糧戶星散幾悞克限未
便稍泛未減致壞士習而長刁風比照職官子弟打
攪倉場欺凌挾詐徒罪以上發附近充軍

湖廣司三年

咨武生孔廣勛咆哮公堂一案查孔廣勛因該縣將
邱仲義交差帶候輒敢倚恃武生咆哮公堂並指官
詈罵目無法紀惟咆哮公堂例無專條如僅照部民
詈罵本屬知縣問擬滿杖似覺輕縱若竟依刁徒直
入衙門挾制官吏例擬軍而孔廣勛究係詞証原應

越訴

到官與案外之人直入衙門者有間將孔廣勳依刁
徒直入衙門挾制官吏發近邊充軍例上量減一等
滿徒

奉天司二十年

奏舉人王璋投遞匿名書信一案查王璋捏寫書信
隱匿姓名赴州呈首即與投遞匿名文書無異惟該
犯捏書圖詐意在恐嚇取財其所捏信內並無臚列
罪款與告言人罪不同若僅照恐嚇取財准竊盜加
等擬杖不足蔽辜如依匿名文書告言人罪擬以縲
首未免過重將王璋酌比依匿名文書告言人罪例
擬絞量減一等滿流

投匿名文書告人罪

江蘓司 十八年

咨王庭玉因聞蔡正九家道殷實長女未嫁輒借廳
差訪拿無名傷屍命案誣指蔡正九家因姦致死工
人希圖嚇詐與差役施成商同將郭汰永等非刑吊
拷逼認使其混行扳指迨本管官訪聞飭查混指無
名傷屍為黃添壽因與蔡^正九之女通姦被蔡陽春持
刀戳死等情誣稟將王庭玉施成比照奸徒串結衙
門人役假以上司察訪為由陷害良善詐騙財物該
徒流者發^近邊充軍例擬軍

誣告

直隸司 十八年

題賀瑞查拿賭博誤拏張有發受驚身死比照誣告人因而致死絞罪上量減擬流

山東司 十八年

奏生員喬峯青誣竊妄拿高大高二並主使喬廷儉等毆打網縛兩手用水澆潑致高大高二凍落手指身死將喬峯青依故殺一家二命例擬斬立決喬廷儉等聽從網毆用水澆潑照威力主使毆打致死下手之人為從減一等律擬杖一百流三千里

江蘓司 十八年

咨王懷文圖謀孀居總麻姪婦張氏財產逼令改嫁不從嗣欲將伊孫極繼張氏為子不遂心懷忿恨乘張氏與佃戶王平貴商賣秫糶糾眾將張氏等網縛毆踢誣姦污辱未便仍按服制減等科罪將王懷文照姦贓事情污人名節報復私仇例發附近充軍

直隸司 十九年

咨許照英因被竊在王長功園後找獲原贓誣控王長功行竊致王長功之母氣忿自戕抽風身死原咨

誣告

內稱該犯疑賊有因並非挾嫌誣陷照誣告人因而致死例絞監候律上量減一等擬流

江西司十九年

咨傅義潮因小功堂叔傅秀章欠租曾經伊兄議讓該犯復主使傅英尚控追致傅秀章被逼投河自盡比照誣告人因而致死律酌減一等滿流係革兵加等發附近充軍

直隸司十九年

咨捕役王玉等緝獲賊犯張二林私行拷訊致張二林氣忿自縊例無明文比照捕役誣竊為盜因而致死者絞監候例上量減一等杖一百流三千里

貴州司

咨劉萬三因李小二偷竊伊外甥高順容家衣物該犯因聞李小二贓已變賣無力賠贖控告亦屬無益起意誣劉先傳寄頓贓物欲令代賠因劉先傳外出將其妻劉王氏喚至唱令高順榮等細縛拷打以致劉王氏氣忿自盡實為誣指逼認因而致死惟劉先傳劉王氏夫婦平日窩賊為匪均非良民劉萬三欲

誣告

令其賠贖並非意圖訛詐與誣良為竊有間查捕役緝賊審非正盜若其人素行不端例得將捕役照誣良為盜軍罪減等問徒則指曾經竊為匪之人受寄竊贖嚇逼致死亦得量減問擬劉萬三比照誣良為竊嚇詐逼認因而致死絞候上量減一等杖一百流三千里高順榮為從減等擬徒

湖廣司二十年

咨楊玉窩留譚公行竊劉寡婦京錢十八千文將贖零星分散旋被陳貴聞知起意訛詐邀同史貴假充

縣役向楊玉嚇詐楊玉許給錢二千文陳貴令其將所竊贖錢全數交出方免到官楊玉因錢已分散未能全交心生愁急服毒身死因楊玉並非平人將陳貴照詐充各衙門差役妄拿平人恐嚇詐錢致被詐之人自盡絞候量減一等擬以滿流史貴照為從擬以滿徒

廣西司二十年

題謝上業挾讐誣告謀死人命致蒸檢總麻弟謝庭蔭屍身一案查案內之謝上郁恐檢明屍傷反坐謝上業之罪起意商同謝普德等於檢驗時糾搶屍首

誣告

藏匿殊屬不法律內並無乘機糾搶屍首治罪明文
應比例酌減問擬將謝上郁比照聚眾奪犯至十人
為首斬監候上量減一等杖一百

流三千里謝普德等各
減一等杖一百徒三年

陝西司二十年

題施茂元誣竊致陳柘氏自盡一案查施茂元被竊
蘄子因陳子明曾經行竊前往索賠以致其妻柘氏
不甘自縊殞命該犯疑竊有因陳子明實係舊匪例
內並無疑竊致死舊匪親屬治罪明文將施茂元比
照誣良為竊因而致死絞罪例上量減擬流

安徽司二十年

奏汪朱氏被夫汪琴堂毆傷後自縊身死屍父朱鼎
誣告毆勒致斃此案朱鼎之女汪朱氏與其夫汪琴
堂素不和睦常于歸寧時將被夫弟汪東堂折磨之
語向朱鼎哭訴嗣朱氏復思歸寧汪琴堂阻之不依
隨用木棒毆傷其左脇膊該氏即于是晚投繯殞命
朱鼎聞知帶同家屬往看屍身帶有傷痕屍傍放有
木棒槌一個並憶及伊女生時有屢被汪東堂折磨
之語疑係被毆勒斃一時氣忿與伊兄朱錦等將賠

誣告



嫁衣服燒燬投保報驗所告不為無因若使既報之後經官帶吏^領作驗明該屍實死於縊非死於傷該犯猶堅執毆斃之言有心訐訟致屍遭蒸檢自應以期親以上尊長誣告人命致蒸檢卑幼屍身照誣告人死罪未決律擬流加徒茲查原奏內稱仵作楊升相驗時縊痕散漫認為榕捫身死並因年邁眼花將該屍石乳等處發變青紫顏色俱指為毆傷則後次屍遭蒸檢罪在仵作而不在朱鼎自不得律以誣告且經該縣屢審均為原驗所惑以致汪琴堂情

急遣弟赴京控告具奏發回審辦勢至非檢不明更不得以屍父從前一訴遂科以屍遭蒸檢之條查朱鼎之女朱氏衣物既經給與賠嫁即屬汪姓家資該犯率行燒燬估值贓錢一百五十千咎有應得該撫置其應得之罪於不問將該犯照期親尊長誣告人命致卑幼被檢律擬流加徒朱鼎應改依棄毀人器物計贓准竊盜論罪止滿流惟所毀之物究屬伊家賠嫁粧奩且伊女已死非命衡情定擬應於棄毀人器物計贓准竊盜論罪止杖一百流三千里罪上量

減一等杖一百徒三年作楊升於此案誤認受傷
挖捫身死自應按失八人罪擬徒二年上加一等杖
九十徒二年半

安徽司二十一年

咨武生陶勇等誣告知縣浮收錢糧撫將該犯依誣
告人死罪未決擬流加徒罪上從重改發新疆為奴
部以不准越等增加有違定例且該犯究係武生未
至行止敗露未便加以為奴改依驀越赴督撫處告
重事不實例發邊遠充軍

廣西司二十一年

咨韋翼隴誣指雷均樹為竊致雷均樹將鄧劉氏毆
死圖賴並雷均樹在監病故一案查韋翼隴被竊馬
匹疑係雷均樹偷竊隨誘令至家查訊勒寫賠字雷
均樹慮伊告官起意將幫工之鄧劉氏毆死圖賴報
驗訊明雷均樹病斃在獄撫將韋翼隴照誣竊致死
絞罪上減等擬流部以劉氏之被殺寔由該犯誣竊
釀成而雷均樹之擬斬斃亦由該犯^監憑空陷害所致
律內既指明拖累平人致死即應依誣告致死擬絞

誣告

今該犯誣竊致釀二命較之拖斃一命為重將韋翼
隴改依誣良為竊嚇詐逼認因而致死律擬絞監候

湖廣司二十一年

奏謝榕年呈控伊父謝士廷在谷城縣任內聽從知
府張溶捏報民欠等情一案經該督訊明該犯係因
伊故兄謝椿年挾張溶拒見之嫌捏款欲控遺存之
稿該犯悞信為寔照抄呈控並非有意誣陷將謝榕
年照申訴不寔律杖一百係誣告監司大員量加一
等杖六十徒一年

江蘓司

奏竇金榮呈控馬龍圖餽送知府張文緒金銀一案
查竇金榮先與葛存義爭控標業斷結後輒以葛存
義串通馬龍圖餽送揚州府金銀等詞翻控該犯旋
知冒昧追悔具結情同自首核與憑空污蟻始終誣
執者有間將竇金榮依曖昧不明姦贓事情污人名
節軍罪例上量減擬徒

江蘓司二十一年

咨俞金門因馬三連不允借錢之嫌誣告馬三連係
誣告

伊舊僕之孫將俞金門比照旂下奴僕其本主因家
奴之同族少有產業誣告克子孫者照冒認良人為
奴僕律杖一百徒三年

廣西司二十一年

咨差役潘秀等濫押何邕錢致斃一案查潘秀承票
拿人輒將票內無名之何邕錢拘傳到案希圖塞責
以致在押患病身死雖無索詐情事實屬妄拿例內
並無差役妄拿平人濫押病故治罪明文將潘秀比
照將案外之人拖累拷禁致死一二人絞罪例上量

減滿流

山東司二十一年

咨張張氏誤執傷痕致伊夫屍遭蒸檢一案查例內
並無誤執傷痕致蒸檢伊夫之屍治罪明文將張張
氏比照卑幼誣告致蒸檢尊長之屍並非挾仇止以
誤執傷痕告官蒸檢照誣告人死罪未決律杖一百
流三千里加徒役三年

浙江司二十一年

咨金品章將需索之外委汪昌林割辯誣姦一案查
誣告

金品章開場賭博送給在村緝匪之外委汪昌林洋
錢該外委因不遂所欲前往查拿藉端訛索金品章
不甘喊同伊妻吳氏等將該外委髮辮割下誣姦挾
制是該外委與本管官不同且由需索取辱將金品
章比照姦贓事情污人名節例發近邊充軍

奉天司

咨紅添榮令伊弟紅添富將良民高有素背綁拷打
逼認偷竊該府尹以誣良拷打侵損於人分別首從
將紅添榮依誣良為竊捉拿拷打例擬軍紅添富為
從擬徒部以誣良為竊例應不分首從紅添富改依
誣良為竊捉拿拷打不分首從例發邊遠充軍

奉天司 二十二年

咨李文逼迫伊弟李烟身死一案查李文以已賣之
地圖找地價未遂捏稱分產不明等情具控並以李
烟家道殷實邀同草役陳隆等妄拿圖詐以致李烟
投井身死未便僅照凡人威逼致死律擬杖致滋輕
縱李文應改照誣告人因而致死律絞候係期親尊
長減三等杖九十徒二年半

誣告

福建司二十二年

議奏福建改教知縣朱履中稟揭原管府道收受陋規並被控藩司李賡芸自縊身死一案查已草知縣朱履中誣告藩司李賡芸收受陋規等款計共洋銀四千一百餘元如所控得實李賡芸應照坐贓五百兩問擬滿徒今審係子虛自應反坐惟該革員於李賡芸未經自盡之先已即批實認誣未便坐以誣告人因而致死絞候之律若僅照誣告本律於滿徒上加等擬流又不足以示懲應請發往黑龍江充當苦差已草知府涂以翰於署道任內奉委會審輒敢自出已意代李賡芸叙供又復肆意逼誣該省將該革員依尋常威逼律加發往軍台効力殊屬輕縱涂以翰應改依官司故入人罪以全罪論律於故入李賡芸徒罪從重發往黑龍江充當苦差

陝西司二十三年

咨閩有成因姪婦閩梅氏聽從伊夫閩俊英寄書毀罵閩有成氣忿令婿萬五兒代寫污辱閩俊耀與閩梅氏有姦字帖並照抄多張散布洩忿例無期親尊

誣告

長將曖昧不明事情污蟻卑幼及卑幼之婦作何治
罪明文將閔有成照凡人擬軍罪上量減一等杖一
百徒三年

四川司二十三年

咨文上進因祖堂弟文仕舉被文正貴毆傷身死該
犯圖詐文有義錢文不遂輒以文有義之父文仕榜
統率子姪文正潮等共毆致斃囑伊弟文正元控請
啟檢以致文仕舉屍遭蒸檢遍查律例並無圖詐不
遂誣告共毆餘人致蒸檢卑幼屍身作何治罪明文
即依挾仇誣告人謀殺人命致蒸檢卑幼之屍例擬
絞未免情輕法重將文上進比照誣告人謀死人命
致蒸檢卑幼之屍絞候減一等杖一百流三千里

山西司二十四年

題柴長發商令李氏之夫溫起江窩贓李氏等均不
知情迨該犯被獲溫起江潛囑該犯不要供扳許給
飯食嗣經究出窩留情節獲案押訊溫起江即不給
與飯食該犯氣忿吵罵捏稱曾與溫起江家婦女睡
覺之言隨口踏蹋李氏等聞知氣忿輒萌短見先將

誣告

未及週歲之孫女撩入水中淹斃後商同伊媳伊女二人同時投井身死將柴長發照捏姦污蟻致被誣之人忿激自盡例擬絞監候惟因該犯一言致李氏等母女四人同時斃命情殊慘忍加重改為絞立決

直隸司 二十四年

咨謝克平揪落胞叔謝明髮辮並謝明挾嫌誣控謝克平毆傷祖母身死致屍遭相驗一案除謝克平依毆叔加弟毆兄罪^傷一等律杖一百流二千里外謝明當伊母因病身死輒敢挾嫌誣控胞姪謝克平毆死如果屬寔謝克平罪應凌遲應將謝明依誣告人死罪未決杖流加徒罪上減三等杖九十徒二年半惟該犯誣告人命致母屍遭相驗情節較重於應得罪上量加一等杖一百徒三年

直隸司 二十四年

題楊士碌有女楊氏嫁與孟解氏為媳姑媳素不和睦該犯向隣人孟六設及伊女常被孟解氏毆詈孟六答稱曾見孟加升時至孟解氏家走動想是因姦礙眼之故嗣揚士碌往接伊女適見孟加升在彼揚

誣告

士碌益加疑惑與孟解氏爭毆故殺孟解氏斃命除
揚士碌依律擬斬監候外孟六當楊士碌向伊訴說
時輒以想係因姦礙眼之言答覆雖係懷疑猜度並
非有心污蔑第信口妄設釀成人命將孟六依將姦
贓情事污人名節發附近充軍例上量減一等滿徒

浙江司二十四年

咨盧炳寅疑竊誣控致盧家帶之母盧王氏畏累自
盡一案查盧家帶先經偷竊桑葉其母盧王氏知情
縱容旋因盧炳寅被竊衣物亦疑盧家帶所竊稟報

盧王氏慮恐伊子前竊桑葉敗露情急服瀆自盡除
盧家帶依子孫犯盜父母縱容袒護後經發覺畏罪
自盡例發極邊烟瘴充軍外盧炳寅混控盧家帶行
竊以致盧王氏自盡第盧家帶曾經犯竊其母盧王
氏死由畏罪與平空誣指平人因而致死者有間將
盧炳寅照誣告人因而致死絞律上量減一等滿流

山東司二十五年

題王成因伊妹陸王氏被夫陸小太致死控告陸小
太之弟陸小英幫毆以致陸小英之母陸張氏畏累

誣告

自盡固難辭咎惟因陸小英向與陸王氏不睦王氏屍受多傷兇器各別一時痛妹情切懷疑呈請查訊陸小英尚未到案伊母聞風被控即行自盡與挾嫌平空誣告拖累致傷者有間若擬絞抵未免情輕法重王成於誣告人因而致死隨行有服親屬一人者絞候例上量減一等杖一百流三千里

福建司二十五年

咨賴仙積與邢顏氏通姦被隣人吳邢氏說破姦情致顏氏羞愧自盡吳邢氏被夫吳守明斥其不應多言生事致釀人命致吳邢氏心生悔恨亦即自盡賴仙積因恨吳邢氏說破姦情以致敗露到案捏供與吳邢氏亦有姦情希圖污蔑賴仙積應依姦贖污人名節例發附近充軍

湖廣司元年

咨李有得因疑柳福興與王開科之妻王李氏有姦随口向王李氏戲謔致被斥罵嗣王開科聞知其事向李^有得查問李有得捏稱柳福興與王李氏有姦情形冀將王李氏責打洩忿王開科誤信為實向妻查

誣告

問不認毆斃命王李氏之受誣被殺皆由李有得之捏姦污蔑所致較之本婦忿激自盡者其情更慘罪坐所由應以李有得擬抵王開科誣聽人言毆妻致死若以捏姦之李有得問擬絞抵又將王開科依毆妻至死本律定擬一命斷難兩抵於毆妻致死絞罪上量減一等擬杖一百流三千里

湖廣司元年

咨許維德因挾嫌誣指易萬吟私宰耕牛投甲欲控致易萬吟畏累自盡例無起意誣告尚未到官致被誣之人自盡作何治罪明文照誣告人因而致死絞候例上量減一等杖一百流三千里

安徽司

咨程發祥京控張朴局賭等情一案查程發祥所控局賭並未指有經旬累月抽頭之語如所告得寔張朴等均應杖一百枷號兩個月應照例反坐將程發祥依誣告杖罪加所誣罪三等於杖一百上加三等杖八十徒二年

陝西司二年

誣告

題薛述海誣姦訛詐致伊妻周氏投井身死一案查
薛述海因訛詐無服族兄薛述印銀兩不遂即誣指
薛述印與伊妻通姦將周氏與薛述印捆縛致周氏
因被污蟻忿激自盡該犯污蟻其妻與平人不同將
薛述海照捏造姦贓款蹟污蟻致被誣之人自盡絞
罪上量減滿流

江西司二年

咨洪興順追問賊犯湯三玉誣扳黃細老寄贓致黃
細老之母胥氏自盡一案查洪興順捕獲賊犯湯三

玉等追問前失谷石湯三玉誣認贓寄黃細老家該
犯憶及黃細老之母黃胥氏曾竊菜蔬誤信為實即
同洪進七四前往查起不遇搬取什物回歸黃胥氏
屢討不給氣忿服毒身死湯三玉之誣竊寄贓本由
迫於洪興順拷問且黃胥氏因被洪興順之搬物不
還以致氣忿自盡應以洪興順當其重罪但洪興順
之誤信寄贓係由黃胥氏曾經竊菜所致與有心誣
良者不同應酌減問擬將洪興順照誣告人因而致
死絞罪律上量減一等杖一百流三千里

誣告

奉天司二年

咨番役王寬途遇曾經犯竊之隋得祥見其面有刺字鎖拿究問用鞭杆毆傷其臙胸等處越五十五日因傷潰爛身死該將軍以例內並無番役私拷死在保辜限外作何治罪明文將王寬照誣竊出于無心死者又係舊匪拷打致死例擬絞候部以隋得祥死越五十餘日原驗骨殖並未傷損是其原毆傷輕若依律擬絞與傷重速死之案無區別將王寬照誣指良民為竊捉拿拷打例發邊遠充軍

直隸司二年

題于大和圖姦皮四姐未成其母皮吳氏羞忿自盡一案查案内之孫華亭明知伊甥于大和圖姦皮四姐未成致皮吳氏羞忿自盡輒恐于大和問罪起意捏串姦情賄囑教供幾致兇徒漏網居心險惡應比例問擬將孫華亭比照將姦贖事情污人名節例發附近充軍

安徽司二年

咨孫士英因期親服姪孫洪春之妻劉氏生子未足

誣告



十月誣為姦生訛詐氏父劉觀錢文嚇逼孫洪春將
劉氏送還並逼令將幼孩棄溝溺斃以致劉氏被誣
不甘投井自盡查劉氏係該犯大功姪婦例無圖詐
捏姦致大功姪婦忿激自盡作何治罪明文惟圖詐
與挾仇情無二致其幼孩係該犯小功姪孫按謀殺
同故殺法罪止杖流該犯因誣姦訛詐致斃二命寔
屬重利忘親未便按服制科斷孫士英比照捏造姦
贖款蹟挾讐污蟻致被誣之人自盡照誣告致死例
擬絞監候業已病故孫洪春于幼孩本係親生惟聽
從胞伯將子棄溝溺斃係屬謀殺為從應於故殺子
孫杖六十徒一年上減一等杖一百劉氏

旌表

浙江司 三年

咨徐青山老誣扳馬世發夥竊致其母馬邢氏失跌
身死一案查徐青山老因挾馬世發斥逐之嫌輒誣
扳其同夥行竊希圖拖累洩忿以致馬世發之母馬
邢氏因子被誣扳送縣氣忿向理失跌磕傷身死自
應以徐青山老坐罪惟馬邢氏寃係死於失跌與情

誣告

急自盡者不同應比律酌減問擬將徐青山老比照
誣告人因而致死隨行有服親屬一人絞監候律上
量減滿流

貴州司二十二年

咨俞廷珍誣告胞兄俞廷英毆斃李三第一案例內
並無誣告期親尊長死罪之文自應以凡人誣告定
擬將俞廷珍依誣告人死罪未決律杖流加徒役年三

直隸司二十五年

奏王劉氏因伊夫王玉送給伊母劉孫氏糕塊查看
顏色不正劉孫氏疑為有毒勒令呈控該氏即向勸
阻嗣劉孫氏決意主使控告復經該氏央勸未允劉
孫氏並欲自盡該氏被逼無奈始行免從赴控實係

干犯名義

廼於母命將王劉氏於妻告夫但誣者絞律上減一
等杖一百流三千里收贖

陝西司二年

咨郝慶寶與李張氏通姦復教唆李張氏誣告伊夫
誘令賣姦一案查李張氏在母家時與郝慶寶通姦
嗣夫李騾子將其迎娶過門郝慶寶因不能續姦教
唆該氏捏造伊夫誘令賣姦希圖斷離仍續舊好該
氏聽從捏告寔屬干名犯義按律罪應縲首惟該氏
究係婦女無知聽從教唆所致且一經到案即行供

明實情與始終誣執致其夫到官受累者不同將李
張氏於妻告夫誣告絞律上量減一等杖一百流三
千里郝慶寶應依抑勒妻妾與人通姦律杖一百罪
上加所誣罪三等杖八十徒二年

河南司 十八年

奏賈成賭博為匪被祖母鄭氏斥訓輒敢出言頂撞
復因李振輸錢未給病故即拉其兄李芳聲驢頭作
抵被控脫枷逃回因挾賈凌雲作証之嫌將其砍傷
伊母宋氏恐該犯問罪即將鄭氏謀斃圖賴釀成逆
倫重案是該犯賈成所犯情罪較之身犯姦盜祖父
母被人謀殺應絞決者為尤重查該犯祖母鄭氏雖
死非自盡而宋氏謀殺其姑亦非該犯意料所及惟
既致祖母死於非命又陷其母于極刑均由該犯之

子孫違犯教令

觸忤干犯而起罪坐所由將賈成比照子孫不孝致
祖父母自盡審有觸忤干犯情節例擬斬立決

四川司十八年

咨唐四觀因賭博犯案致母唐張氏因無食用遷怒
郭化先首告知非投繯殞命將唐四觀依子貧不能
營生養贍父母致父母自縊例杖一百流三千里

奉天司

奏修士得因伊父修連升嗔其懶於工作持刀趕殺
該犯閃至修連升身後抱住致修連升往後向扎自
行誤傷身死比照子孫不孝致父自盡之案審有觸
忤以致忿激輕生例斬決

山東司十九年

題高可因父將扁擔賣錢該犯聲言無計營生致伊
父氣忿趕毆失跌身死例無專條比照審無觸忤但
行為違犯教令致父抱忿輕生例絞候

陝西司二十年

題楊成與黃余氏在室通姦過門之後經氏翁黃大
義禁阻余氏亦即拒絕該犯續姦不遂將黃大義謀
子孫違犯教令

勒致斃除楊成依謀殺人造意律擬斬監候外查黃
余氏未嫁之先與楊成通姦過門之後即行改悔拒
絕與過門之子婦犯姦致翁姑被殺有間將黃余氏
於子孫犯姦父母被人殺害子孫之婦有犯悉與子
孫同科例絞罪上量減一等杖流

山東司二十年

題朱馬等誘拐朱得路之妾武氏為妻伊父朱之榮
知情縱容嗣朱得路糾人往搶致伊父被朱毛扎死
朱馬依子犯姦盜致縱容之父被殺擬絞監候武年

聽從誘拐武氏係該犯之女究與凡人不同所得朱
得路財禮錢文應比照將親女嫁賣與人騙財後公
然領去者計贓准竊盜論武氏給朱得路親屬領回

陝西司二十年

題楊思魁與任氏通姦拒傷氏翁任克濬身死一案
查任氏與楊思魁通姦因被氏翁任克濬撞破毆詈
立誓改悔楊思魁復圖續姦將氏翁拒殺身死任氏
即指名具報除楊思魁依罪人拒捕殺所捕人律擬
斬監候外將任氏比照子孫犯姦祖父母父母並未

子孫違犯教令

縱容被人毆死絞決例上量減一等杖流

江蘓司二十一年

咨武位糾眾抗租被控押追伊母陶氏因向顏大經
求釋不遂圖賴自刎身死例內並無犯罪被控到官
父母向原告圖賴自戕作何治罪明文將武位比照
子孫有犯姦盜父母縱容袒護自盡例發新疆為奴

四川司二十一年

咨陳育美因向彭宗明借錢不遂將伊父屍棺抬至
彭宗明宅後壘埋彭宗明不依控告伊母黃氏畏累
自戕身死該犯雖非犯姦犯盜惟伊母之死究由該
犯與彭宗明涉訟所致將陳育美比照子貧不能養
贍父母致父母自縊例杖一百流三千里

直隸司二十三年

咨吳栗氏聽從義父栗三教令與趙祥通姦敗露以
致栗三愧迫自盡將吳栗氏比照教令子孫犯姦後
因發覺畏罪自盡將犯姦之子孫擬徒例擬以滿徒
杖決徒贖

山東司二十三年

子孫違犯教令

咨林氏與林文密通姦敗露致其親伯母林王氏氣忿自縊身死例無專條查林王氏收養林氏委因圖得林氏地畝為自資食用之計並非實心撫養較之教養成成人者有間茲林王氏之自縊雖因林氏犯姦氣忿所致其思義究與父女不同將林氏比照子孫犯姦祖父母並未縱容因係子孫身犯卯淫憂忿戕生擬絞例量減一等杖一百流三千里杖決流贖

廣東司二十五年

奏小張王氏被林翰等拐逃嫁賣未成致伊夫

畏罪將伊姑老張王氏挖死誣告訊明並非姦情與犯姦致未縱容之姑被殺者不同未便遽擬縲首惟因該氏被誘拐逃肇衅致釀殘倫重案若僅比例減流加等擬軍收贖實屬輕縱應酌發駐防兵丁為奴不准收贖

既致其姑死於非命復陷其夫罪干寸磔實發駐防為奴似尚不足蔽辜

江蘓司二十五年

咨鞠得裡平日並無違犯情事因毆傷伊嫂致母顧氏慮其問罪情急輕生^應比照子貧不能養贍父母致父母自縊死者杖一百流三千里

子孫違犯教令

山西司二十五年

咨李文青因欲販煤圖利將地出租致伊母李古氏恐不能賺錢致無食用愁急自盡應比照子貧不能養贍父母致父母自盡杖一百流三千里

直隸司二十五年

咨孟劉氏呈送伊子孟晚成發遣奉准部覆詳請定地間孟劉氏復以年老無依呈請留養查明實係母老丁單查該犯原犯係伊母呈請遠徙與實犯遣罪者情事有間今已追悔又與始終桀驁者不同將孟

晚成照觸犯父母發遣之犯遇

赦查詢父母願令回籍准其減徒其所減徒罪照留養例

枷號一個月滿日交伊母領回

直隸司元年

奏小吳張氏因與夫弟爭毆涉訟節次翻控經其姑訴斥不服呈送發遣該督將小吳張氏改發駐防為奴部議子孫之婦必與其夫一併呈送始行實發今小吳張氏係屬孀婦未便寔發改依違犯教令例滿杖既經觸犯有批應出勒令歸宗

子孫違犯教令

陝西司 元年

咨成明金訛詐王舉錢文致王舉無錢措給外出避
跡經王舉之弟王甫聞知因王舉係該犯逼走勒令
找回該犯隨往漢中一帶尋訪嗣該犯之母左氏希
圖抵制控以王甫將子逼走具控迨該犯回家時王
舉仍無下落王甫遽呈催審將該犯差傳左氏慮及
捏控伊子到官治罪服毒自盡查該犯之母溺愛縱
容袒護於先飭控於後死由護子而該犯成明金之
嚇詐事犯與姦盜相等比照子犯姦盜父母縱容袒

護後經發覺畏罪自盡將犯姦盜之子改發

極邊烟
章充軍

江蘓司 元年

題題倪連沅因與俞袁受義子俞傳宗鷄姦被俞袁
受撞破斥罵倪連沅將俞袁受故殺比照姦夫殺死
親夫例斬決俞傳宗因姦致義父被殺該犯過繼在
十五歲以前恩養已以照子孫犯姦父母並未縱容
被人謀故殺害例擬絞立決

湖廣司 元年

咨李許氏輪應供膳翁姑之期因耕作事忙一時忘
子孫違犯教令

記迨翁姑來家該犯婦記憶趕回備辦不及僅炒茄
子與姑下飯伊姑嫌菜不好向其斥罵該犯婦自知
錯誤往找伊子另買葷菜經伊翁埋怨伊姑貪嘴致
伊姑氣忿自盡比照子貧不能養贍致父母自盡者
杖一百流三千里

四川司二年

題劉四喜因與同主雇工陳貴通姦敗露陳貴將伊
主母張氏謀殺斃命律例並無婢女與人通姦致家
長被殺作何治罪明文將劉四喜比照子孫犯姦父
母並未縱容被人謀故殺絞決例上量減滿流惟奴
婢因姦致家長之妻被姦夫殺害情節較重實發駐
防為奴

河南司二年

咨狄風兒索欠釀命致伊父狄存禮自盡一案查狄
風兒因向狄五兒之妻馬氏索討私借錢文出言穢
褻事經寢息後因狄五兒查究因何借錢將馬氏斥
罵欲毆致氏氣忿投崖斃命死由被夫責罵並非因
該犯穢語而起惟該犯之父狄存禮因該犯穢語肇
子孫違犯教令

衅慮及到官治罪無人養贍愁急自縊應比例問擬
將狄風兒比照子貧不能養贍致父母自縊例杖一
百流三千里

陝西司二年

題董文仲等共毆李石兒身死致伊母董楊氏憂忿
自縊一案查董文仲因伊姪董正芳與李石兒爭毆
伊母董楊氏喊稱董正芳被人毆壞該犯同子姪先
後趨至將與董正芳扭結之李石兒共毆斃命伊母
董楊氏慮伊問罪憂鬱莫釋投繯殞命將董文仲依
共毆人致死律擬絞監候

雲南司二年

題鄭汶甲毆死伊妻致伊父自盡一案查鄭汶甲因
瘋病復發砍傷伊妻繆氏身死其父鄭昆以子因瘋
殺妻到官問罪無人養活情急自戕殞命撫以律例
內並無因瘋殺妻致父母自盡作何治罪明文可否
擬以絞決抑仍依本律絞候之處聽候部議部以鄭
汶甲毆妻至死所犯死罪並非因姦因盜又非謀故
殺人核與子孫罪犯應死致父母自盡擬以立決之

子孫違犯教令

例不符將鄭汶甲仍照夫毆妻致死律擬絞監候

湖廣司二年

咨謝升兒因向伊母王氏索錢致伊母氣忿跳河經人撈起一案查謝王氏因伊子謝升兒不能養贍復向索錢致令氣急糊塗跳河謝王氏如果被溺身死謝升兒應照子貧不能養贍致父母自盡例擬流今人撈救得生應量減一等擬以滿徒王氏現年老獨子懇求免其發遣將謝升兒依孀婦獨子存留養親例杖一百枷號一個月

廣東司三年

咨陳位焉因盧欲廣欠錢無償牽牛作抵盧欲廣因牛隻係向陳廷邦租賃約同陳廷邦往索爭鬧陳位焉刃傷陳廷邦被控獲案伊母恐該犯到官治罪欲與陳廷邦拚命潛赴陳廷邦柴房自縊身死例無子因刃傷人犯案致母自盡作何治罪明文比照子孫違犯教令致父母抱忿自盡絞候例上量減一等杖一百流三千里

河南司三年

子孫違犯教令

咨王萬全聽從誘拐李劉氏至家窩藏其母王任氏
貪利縱容後查知欲控任氏畏罪自縊殞命將王萬
全比照子孫犯姦盜父母縱容後經發覺畏罪自盡
將犯姦盜之子孫發遣例發四省極邊烟瘴充軍

陝西司三年

咨柴趙氏因姑王氏欲食菽麥該氏因菽麥性冷伊
姑素患腹疼忌食性寒之物不肯與食致伊姑氣忿
自盡訊明情因慎重菽水並非有心違犯將柴趙氏
比照子貧不能養贍致父母自縊例滿流

湖廣司三年

奏鄉約李日強明知逸犯吳光德係竊魚正賊並不
報官指拿迨該典史飭差協同該犯拘獲另案竊魚
之王宏名送縣該犯因吳光德係伊義子於犯事後
曾囑照應輒令王宏名誣認圖脫吳光德罪名例無
治罪專條將李日強比照捕役奉差緝賊將犯有竊
案之人教供誣扳照誣良為竊例發邊遠充軍



所
圖
卷
之
一

